

SCRIPT OF MORNING GOJRI NEWS BULLETIN 18SEP 1015 HRS

مارننگ گو جری نیوز بلیٹن مورخہ 18 ستمبر 2025

یوہ آکا شوانی جموں ہے محمد اکرم تیں خبر سُنو۔

CM NHW RESTORATION

وزیر اعلیٰ عمر عبداللہ نے گزشتہ روز قومی شاہراہ 44 گا متاثرہ حصہ تھارڈ ادھمپور گو دورو لایو تاکہ اُت شاہراہ کی بحالی واسطے چل رہیا کم کاج گو جائیزو کیو جاسکے اس دوران اُن غے ہمراہ جل شکتی گا وزیر جاوید احمد رانا ممبر قانون ساز اسمبلی چنینی بلونت منکوٹیہ ڈپٹی کمشنر ادھمپور سلونی رائے وی موہود تھیں اپنا دورہ غے دوران جموں کشمیر بھارتی قومی شاہراہ بارے اتھارٹی گا صوبائی افسر آر ایس یادو نے وزیر اعلیٰ ناہ کم کی رفتار بارے جانکاری دتی جس مانہ سڑک گی چوڑائی دھاتی کم تے شاہراہ گی دوجی ٹیوب گی بحالی گو کم شامل تھو وزیر اعلیٰ نے بھارتی قومی شاہراہ بارے اتھارٹی ناہ حکم دتو جے وے شاہرہ گی بحالی گا کم مانہ تیزی نال مکمل کریں تاکہ عام لوکاں تے گڈی چالکاں ناہ آمدرفت مانہ آسانی وے اس غے بعد وزیر اعلیٰ نے عام لوکاں نال گل بات کی تے اُن غی مشکلات وی سُنی۔

CM TRANSPORT BHAWAN

وزیر اعلیٰ عمر عبداللہ نے بیمنا سرینگر مانہ نو تعمیر شدہ ٹرانسپورٹ بھون گو افتتاح کیو جس ناہ آمدرفت متعلق تمام خدمات ناہ ایک ہی چھت گے تھلے لیانو تے جموں کشمیر مانہ آمدرفت محکمہ گا دفتری ڈھانچہ ناہ مضبوط کرن آلے پاسء ایک اہم قدم قرار دتو بھون آمدرفت تے خدمات واسطے ایک مرکزی مرکز گا طور ور کم کرے گو جس مانہ آمدرفت بارے کمشنر جموں کشمیر آمدرفت بارے جائینٹ کمشنر، صوبائی ٹرانسپورٹ کمشنر اے آر ٹی او تے دیگر متعلقہ حصار گا دفتر ویں گا اس موقعہ ور وزیر اعلیٰ نے پی وی سی اندراج غو وی آغاز کیو یوہ ایک جدید اقدام ہے جس نال گڈیاں گا مالکاں ناہ پائیداد چھیڑ چھاڑ توں بچن الو تے آسان اندراج کارڈ فراہم کرنو ہے اس موقعہ ور وزیر برائے آمدرفت سٹیش شرما وی موجود تھا۔

JATENDRA SAWASTH NARI

مرکزی وزیر ڈاکٹر جتندر سنگھ نے کہیو ہے کہ مرکزی حکومت جموں کشمیر مانہ صحت گا بُنیادی ڈھانچہ ناہ بہتر بنان واسطے لگا تار کم کر رہی ہے اُنہاں نے کہیو کہ سرکاری میڈیک کالج کٹھوعہ ناہ ٹاٹا کینسر انسٹی ٹیوٹ گا اشراک نال کیمو تھراپی تے ایڈی ریڈیشن گی سہولیات نال لیس کیو گیو ہے جس نال خطہ مانہ کینسر گا مریضاں ناہ بڑی راحت ملی ہے ناگری کٹھوعہ مانہ ایک پروگرام نال خطاب مانہ ڈاکٹر سنگھ نے اس گل ور زور پایو کہ کواتین غی صحت موجودہ نظام گی بُنیادی ترجیح ہے اُنہاں نے کہی و کہ خواتین ور خصوصی توجہ مرکوز کرتا واں شخیص جانچ تے بیداری واسطے پورہ ملک غے اندر صحت کیمپ لایا جارہیا ہیں واضع رہ جے یوہ پروگرام سوچہ ناری سشکت ناری پریوار تے اٹھواں راشٹریہ پوشن ماہ گا ملک گیر آغاز گا حصہ غا طور ور منعقد کیو گیو تھو۔

ITOO SWASTH NARI ABHIYAAN

صحت تے طبی تعلیم گی وزیر سکینہ اتو نے گزشتہ روز سوست نازی سشکت پریوار صحت مند خواتین بالاختیار خاندان ابھیان گی افتتاحی تقریب مانہہ عملی طور ور شرکت کی پاه 16روزہ قومی صحت مہم ہے جس گو آغاز وزیر اعظم نریندر مودی نے مدھیہ پردیش گا دھر تیں کیو تھو۔ اس موقع ور خطاب کرتا واں وزیر موصوف نے محکمہ صحت غا افسراں ورزور دو کہ وے خواتین گی صحت تے فلاح بہبود گا حوالہ سنگ اس منفرد قومی صحت گی مہم نانہہ جموں کشمیر گا کونہ کونہ توڑی لے جیں اُنہاں نے کہیو جے وے پنچائتی سطح گا تمام شراکت داراں نانہہ اس مہم مانہہ شامل کریں تاکہ اس گو مطالبو مقصد پورو کیو جاسکے۔

CS SEWA PARV

چیف سیکرٹری اٹل ٹلو نے گزشتہ روز سیوا پرو گو آغاز کیو جس گو مقصد اطلاعات تحکیکی مرکزوں گا ذریعے جموں کشمیر گا تمام ضلاع مانہہ سائبر سکیورٹی تے ڈیجیٹل بیداری گی پہل کرنو ہے اس قدم غو مقصد جموں کشمیر گرائیاں قسباں تے شہراں مانہہ ڈیجیٹل کواندگی گی رسائی نانہہ براتاں واں محفوظ ڈیجیٹل طریقہ سائبر حفاظت صحت تے محفوظ آن لائن متحولیت گا بارہ مانہہ شہریاں گی سمجھ نانہہ مضبوط کرنو ہے اس موقع ور خطاب کرتا واں چیف سیکرٹری نے تیزی نال ترقی پزیر تکنیکی بدتی وی اہمیت ور زور دتو اُنہاں نے کہیو جے حکومت شہریاں واسطے محفوظ ڈیجیٹل ماحولیاتی نظام تے موثر طریقہ کار واسطے فوری علم تے ہنر نال شہریاں نانہہ بالاختیار بنان واسطے پیر عزم ہے۔

PROG ANNOUNCEMENT

آکاشوانی جموں گو علاقائی خبراں آلو شعبو ایک خصوصی پروگرام پیش کرے غو جہڑو 15منٹ غو وے گو۔ اس پروگرام غو موضوع وے غو جدید دور غی جی ایس ٹی اصلاحات اس گفتگو مانہہ بغیر جی ایس ٹی غے، ۵ فی صد جی ایس ٹی، تے 12 فی صد جی ایس ٹی غا خاتمہ ور گل بات کی جے غی۔ یوہ خصوصی پروگرام جمعہ نانہہ یعنی 19 ستمبر 2025 نانہہ سویرے 8:45 منٹ ور نشر کیو جے گو۔ اس پروگرام مانہہ ماری مہمان ویں غی محترمہ نمریتا ڈوگرہ ایڈینشل کمشنر سٹیٹ ٹیکس محکمہ جموں کشمیر حکومت۔ اس پروگرام مانہہ ویں اپنی قیمتی تجربات تے مفید خیالات مارے نال سانجہ کریں غی۔ اس پروگرام غی میزبانی کریں گا مارا انکر وجے بجاج، سامعین یوہ پروگرام میڈیم ویو 303 میٹر یعنی 990 کلو ہنر تے ایف ایم 100.3 میگا ہنر ور سُن سکیں غا۔
